

Fundacion Famia Plania lo sigui cu su campaña di reparticion masivo di condom durante Carnaval

E hendenan ta liber si nan kier tume of no...



Fundacion Famia Plania ta sali for di punto di bista cu cada persona si ta desea di obtene un condom por tume libremente...

ORANJESTAD - Fundacion Famia Plania no ta indifere na e cuestionamento of critica cu ta existi den cierto sector di nos comunidad riba e reparticion masivo di condom riba caya, specialmente durante paradanan di Carnaval. E campaña aki ta uno bon intenciona riba e prevencion di malesa contagioso, pero tin criticanan riba e forma masivo y indiscrimina di e campaña aki. Te hasta situacion di crisis matrimo-

nial a ser presenta ora cu e casa ta haya condom cu su partner inocentemente a laga lubida den su saco di carson.

BON DIA Aruba a papia cu Coordinador di Fundacion Famia Plania, sra. Wendy Biesum-Schoop riba si e campaña di reparticion masivo di condom lo conoce otro manera pa yega na publico. El a bisa cu ta asina cu den pasado e forma di distribucion di condom tabata otro; caminda e persona cu ta desea di obtene un condom di forma gratis por pasa na oficina di Famia Plania.

Pero mirando cu pa hopi hende no ta facil pa nan bishita oficina di Famia Plania, e ora nan a bin cu e forma di reparti esaki durante actividadnan di Carnaval, specialmente durante e paradanan. Fundacion Famia Plania ta sali for di punto di bista cu cada persona si ta desea di obtene un condom por tume; y e hendenan cu no kier, naturalmente no mester tuma e momento cu nan ta reparti masivamente con-

dom. Sra. Biesum-Schoop no a confirma si Famia Plania lo pone un tent fiho durante e ruta di carnaval. Sinembargo el a bisa cu nan tin diferente partner-

nan cu ta join Famia Plania den su campaña, ya cu e trabou ta hopi inmenso pa Famia Plania so. Pues nan ta conta cu ayudo di Cruz Cora cu den nan tentnan

strategicamente ubica riba e ruta di Carnaval, nan tin e pakinan di condom; y e comunidad por acudi libremente si nan ta desea un paki. □